



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 8

Yangia anidakangma : Tir Yimyim tir_yimyim

tir yimyim TAPAK 7

Barca nungi asayar Dani Olmo yirur
hopta 5 shi masayatettsü

Ano Trump tepsettsü merangba
ken o ka bushisüngdanger

VOL. XXI ISSUE NO. 335 (ADOK 335) DIMAPUR SANGTENNÜ (TUESDAY)

RONGJUI (SEPTEMBER) 17, 202 ₹ 5.00

CNSA-i 'age relaxation' onük pusema nungiter

Dimapur, September 16, 2024 (TYO): Concerned Aspirants Group-i COVID-19 wara nung ajemdaiker arishi küm 37 tashi relaxation asütsü akhangba nung Central Nagaland Students' Association (CNSA)-i pusema nungitba metedaktsüogo.

COVID-19 wara ajanga linük nung shisaliok tsütsü kaketshir aika asoshi timtem bentsür aruogo aser age criteria matonger. Anungji sorkari maximum age limit ya arishi küm 37 akümtsü ayongzüker ta CNSA-i ashi.

COVID-19 wara ajanga

lockdowns liasü, shishilembabaren shebang aser recruitment process anendaka ayu. Iba ajanga sorkar mapa inyaknürtemi timtem jenti ajuru aser parnok aika age limit ajangogo ta CNSA-isa ashi.

Sorkari iba tia ya angatettsüla aser wara ajanga kongshirtem asoshi telatetba kar alitsüla. Arishi küm 37 tashi atsülangba ajanga sorkari qualified candidates nem maongka agütsütsü tim ta CNSA President R. Sunep Pongan aser General Secretary Anoka H Zhimo nati sangdong ka nung ashi.

NDPP-i court petition atema jangjashitsür

Dimapur, September 16, 2024 (TYO): Delhi High Court nung political party ka ama official recognition agentsü ken o benokba atema Nationalist Democratic Progressive Party (NDPP)-i osang jangjatsüogo.

Iba ken o nung tai tonglokja aliba onüktemji tiyazü aser tamendakdak kecha mali ta NDPP-i ashi.

Kohima district kübok Zhadima nunger Zeneisilie Ate Loucii-i May 2018 nung Representation of the People Act, 1951 nung Section 29A kübok NDPP anema petition ka benoka lir.

Iba petition nung NDPP registration agentsü asüngdanga lir aser iba ken o December 11, 2024 nü angadangsü lemteta lir.

Election Commission of India (ECI) guidelines alema NDPP-i president, general secretaries 3 aser züngsem 11 nungi affidavits tai agüja registration asü. Nisung 27-i parnok tanga political party nung züngsem masü ta tiyazü shia affidavits agütsü ta petition nung shia lir.

Petition agütsü Zeneisilie tenüng nung okatsür Abhishek Singhvi-i nisung 27 tenüng agüja lir.

Ajisüaka, NDPP-i ashiba agi iba ya ken o tasen ka masü saka 2018 nung benokba ka lir.

ADRE question paper temai adokba atema tesayur ka apu

Guwahati, September 16, 2024 (Agencies): September 15, 2024 nü tatidang agiba ADRE-2024 question paper temai adokba ken o dak sendakba nung Assam police-i Hombarnü school tesayur ka puogo.

Dhemaji district kübok Simen Chapori nung Mangal Singh Basumatary ta ser tesayur ka apu. Pa Ya Upendra National Academy nung lapokba exam center nung videographer ka ama inyak aser question paper temai adokba nung pai shilem agi ta police-i temulung meleme bilemer.

ADRE-2024 Higher Secondary Level 3rd Class Examination indang question paper ya social media nung kanga prokshia liasü aser iba ajanga tatidang agiba maparen nung ashishiteper.

Sorkari security maparen akangakanga inyakaka 90-page PDF document belenshia liasü.

Iba question paper ya tatidang magidang mesüra agir prokshiar memetet saka tatidang metenzükang prokshiba asünungbo examination process nung tashishitsü keta lir.

Iba osang zülu tashi nung Assam State Recruitment Board-i official sangdong kecha magütsü lir.

Deobarnü Assam State Level Recruitment Commission (SLRC) nung Grade III posts atema written examination nung candidate ajak agi 11,23,204 liasü. Iba tatidang ya Assam ajungalen center 2,305 nung agi aser invigilators 70,000 tema mapa lemzükja liasü.

ANCSU-i HE Department nung 'Attachment Policy' anentsü akhanger

Dimapur, September 16, 2024 (TYO): All Nagaland College Students' Union (ANCSU)-i Government College aser Higher Education Department nung Asst. Professors aser Assoc. Professors attached asüba atema tebilemtsü abenba lemsatepogu.

Higher Education Department aser state sorkari higher education jenjang tajungba akümtsü tenangzükba nung mapa inyakba atema pelar. Nagaland kübok tesem balala nung sorkari college 17 lapokba ajanga iba mapa inyakba kuli agütsür ta ANCSU-i ashi.

Sorkar college tem ajanga kaketshirtemi nem tesayuba aika nung ashi.

agütsür ajisüaka küm shia bangdakpurtemi 'Attachment Policy' inyakba atema mepelar kechiyong iba inyakyim ajanga kaketsirtemi aser college atema tetsükdaktsü bentsür arur ta parnoki ashi.

Nagaland nung sorkar college tem nung tesayur peria maliba rejutemi yoktsü mepishir. Iba mapa ya meinyakra kaketshirtemi lungkak aittsü, ta ANCSU-i Commissioner & Secretary, Higher and Technical Education dangi züluba shidi nung shia lir.

ANCSU-isä Commissioner & Secretary dang NPSC ajanga dang post creation aser recruitment mapa inyaktsü akhangba metedaktsüogo.

Modi'er sorkari Northeast nem Rs 15 lakh crore projects agütsü

New Delhi, September 16, 2024 (Agencies): Prime Minister Modi'er sorkar kümsük tasembuba tenzüker anogo 100 tsüngda Northeast atema alizüng aika yutsüogo aser iba nung infrastructure renloktsüba, rongsenketzung aintsü aser regional khurettem asoshi tajungba inyaktsüba dena lir.

Centre-sa energy sector tsütsü Northeast nung Rs 4,100 crore alang hydroelectric projects agizükogo. Iba mapa ya state aser central public sector enterprises külemi inyaktsü.

Lokti tsütsü Centre-i National Liberation Front of Tripura (NLFT) aser All Tripura Tiger Force (ATTF) den peace accord tongtipang ka nung sign sütepogo.

Küm 35 tashi rayayonga aruba sülen Tripura nung telungpur 328 temai adokogo aser iba ajanga yimjung aser tesünebentsür aruogo.

Centre-i tanurtem atema Pension Scheme tasen tenzüksü

Launch of
NPS Vatsalya Scheme
by
Smt. Nirmala Sitharaman
Hon'ble Union Minister of Finance and Corporate Affairs,
Government of India

Date: 18th September 2024

New Delhi, September 16, 2024 (Agencies): Union Finance Minister Nirmala Sitharaman-i September 18 nü tanurtem atema New Pension Scheme (NPS) 'Vatsalya' tenzüksütsü.

Iba pension scheme tasen ya Union Budget 2024 nung sangdonggogo aser iba nung tsüraburtemi pei chirnur NPS accounts nung sen enoktettsü aser iba ajanga retirement fund bendentsü.

Iba scheme ajanga tanurtemi corpus sen nungi lump sum ama agizüketsü aser tanüngba ajaka regular pension payments ama angutsü.

NPS 'Vatsalya' ajanga tsüraburtemi tanur tarutsü asoshi sen bendena yetettsü ta Ministry of Finance-isa ashi.

Tanurtem tain akümba sülen account ji regular NPS account ka ama melentsü. Tsüraburtemin ita shia Rs 500 mesüra küm nung Rs 6,000 enoktsü akok.

NPS Vatsalya Scheme kübok tsüraburtemi tanur tenüng nung kümshia Rs 1,000 enoktettsü. Iba scheme ya Pension Fund Regulatory and Development Authority (PFRDA) kübok ketcangsütsü.



Hon'ble MP Lok Sabha, S. Supongmeren Jamir-i Ao Senden den mensem ka parnok senden kilem nung akaba mapang tangokba noksa nung angur. Iba senden nung Aor aser Naga nungeri tebilemtsü ajurubatem aser teinyaktsü wadang balala nung shisa lemsatepa liasü. Mokokchung, 16th September, 2024

KMC-i nüburdang Swachhata Hi Seva Campaign nung adentsü ajungshir

Dimapur, Rongjui/Sept. 16 (TYO): Kohima Municipal Council indang Chief Executive Officer, T Lanusenla Longkumer-i Kohima nung aliba nüburtem dang Swachhata Hi Seva (SHS) 2024 campaign nung shilem agitsü ayongzüka liasü.

SHS sentong ya September 14 nungi October 1, 2024 tashi "Clean Habits, Clean Values" omen nung ajemdaker tenzüka lir aser ibai October 2, 2024 nü Swachh Bharat Diwas jeli sentong ka amai lir.

Nübur dang sangdong ka nung T Lanusenla Longkumer-i SHS 2024 campaign indang nükjidong lemsapetba nung, ibai nübur jenti shilem agia

mürekmejuba aser jana shilem agitsü tayongzükba yimyim agüja liasü.

Ajidang masü sanitation workers temi meranga inyakba nüburtemi angatetsü aser sustainable waste management mapa asendenshir inyaktsü nükjidong nung iba campaign ya ayongzüker, ta ashi.

SHS campaing nung shilem ka ama September 18, 2024 anepdang 7:00 ako nungi Old MLA Hostel Junction nungi mürekmeju sentong ka tenzüksü.

Iba sentong nung nübur ajunga arua shilem agitsü ayongzük aser pei aliba ward, colony aser office tem nunga iba mesük sentong ayongzüka

jana tebilemtsü, talisa plastic jana indang jembidang, tapi agi jana indokba yimya amshiba ajanga Kohima indang libajen nung kanga mejungi kongshia Doyang aser Sanuoru ayongtem tashinung kongshiogo, ta KMC CEO T Lanusenla-i ashi.

Kohima nung jana tebilemtsü samatsü aser libajen wazüka ayutsü atema source segregation aser 3Rs: Reuse, Reduce, Recycle yimya amshitsü kanga tongtipang, ta lai ashi.

Pei temeket temürekba aser tajungba kumdahtsütsü asoshi Kohima nung alir ajunga dang shilem agitsü ayongzüka liasü.

Directorate of Education School aser Directorate of Higher and Technical Education, anaprongi kaket reju ajunga tanaben lapoktsü asoshi totuyuba balala agüja liasü.

Department kübok sorkar indang kaket reju, sorkari yariba colleges aser private college ajunga Mongulbarnü nungi tanaben lapoktsü, ta Laishram

Dolie Devi, Joint Secretary, Higher and Technical Education ajanga sangdong ka nung ashi.

Kasaji Director, Education School, L Nandakumar Singh-ia state nung sorkar, sorkari yariba, private aser central school ajunga nung akhi ama classes agitsü sangdonga liasü.

Pai zonal education officers ajunga dang iba osang sangdonga nüngdakba mera agitsü totuyuba agütsüogo.

Manipur sorkari tanü nungi school tanaben lapoktsür

Imphal, Rongjui/Sept. 16 (Agencies): State ajunga nung kaket reju ajak Mongulbarnü (September 17) nungi akhi ama normal classes agitsü, ta Manipur sorkari Hombarnü sangdong. Azidokshi agi kongshir aliba state nung tensa tajungba akumba sülen iba telemtetba ya agi.

Valley district tem nung kaketshir temi September 12 nü longkak ait tenzükba ajanga Manipur nung school aser

colleges tem September 13 nungi shibanga liasü.

Department kübok sorkar indang kaket reju, sorkari yariba colleges aser private college ajunga Mongulbarnü nungi tanaben lapoktsü, ta Laishram

Dolie Devi, Joint Secretary, Higher and Technical Education ajanga sangdong ka nung ashi.

Kasaji Director, Education School, L Nandakumar Singh-ia state nung sorkar, sorkari yariba, private aser central school ajunga nung akhi ama classes agitsü sangdonga liasü.

Iba logo ya Mokokchung Town Lanur Telongjem Tir Wb.Imnaonen Pongan-i sayatsü aser Asso.Pastor MTBA Wb.Monglier-i Mokokchung Photography Club asoshi

REM teloki Nagaland district ajak sema jajatsü asoshi Mkg. nungi apusogo



Bikers-tem Mokokchung nungi apusoba mapang Royal Enfield Mokokchung Treasurer Wb.Tongpang Jamir-i flag off süja yokdang tangokba noksa.

Mokokchung, September/ Rongjui 16(TYO): Royal Enfield Mokokchung(REM) telok nungi parnok Bikers 8 Nagaland nung aliba district 16 prongla sema jajatsü asoshi tanu Mokokchung nungi apusoogo.

Parnok apusodang sentong tatsüka agiba mapang Royal Enfield Mokokchung Chief Wb.Temjen Yaden-i tarur ajak pela agizükba o jembi.

Royal Enfield Mokokchung

Deputy Chief aser iba tour nung Convenor Wb.Imtiyanger-i jembidang India lima tesem ishikabo sema jajaogo saka mapang talangka nungi iba tour ya aotsüta bilema sentong yanglua liasü, tanu apusoa Naga lima district ajak sema kilometer 13000 shi longa jajatsü aser iba mapang nung nüburtem den ajuruteptsü aser iba den ano Naga nunger libaliro, sobaliba, kisü jensu,yimya awashi aser

talisa Naga lima lenmang tia metettsü asoshi All Nagaland District Tour-2024 ta nüngja agütsür "Exploring the routes & the roots of Nagaland" ta asüba omen nung ajemdaker iba sentong ya atongteta apusorta metedakja ashi.

Royal Enfield Mokokchung Treasurer Wb.Tongpang Jamir-i flag off sütsür kelen Mokokchung nungi Bikers-tem apusoa oa liasü.

NSCN/GPRN-i linük tenzüker ka mapa nungi anentsü

Dimapur, Rongjui/Sept. 16 (TYO): NSCN/GPRN-i Phukhungri village, Tisary Region nungi Lenshochu'er jabaso Major Yaleb Thiviry (Army No. 21176) temang majunba mechii linük tenzükba

mapa nungi anentsür, ta sangdong ka ajanga ashi.

Pai linük tenzükba asoshi kanga pelar aser tarutsü nung pa wadang nung takokba lidakjang ta moatsür, ta NSCN/GPRN sangdong ajanga ashi.

GPRN/NSCN-i Lt. Colonel Yapmuli mapa nungi anentsü

Dimapur, Rongjui/Sept. 16 (TYO): Party indang temeshi mapa menenja aiben tsükchir den tesendaktep aliba mechii Lt. Colonel Yapmuli, Naga Army, GPRN/NSCN, mapa nungi anentsür, ta N. Kitovi Zhimomi, General Secretary, NSCN nungi anentsür.

Iba Ahza ya iba totuyuba agütsüba anogo nungi mapa kuma aotsü, ta sangdong ajangasa ashi.

Mokokchung Photography Club pur Logo saya



MTLT Tir Wb.Imnaonen Pongan-i (achichi nungi pungobuba) MPC logo sayatsür kelen tangokba noksa nung angur.

Mokokchung, September/ Rongjui 16 (TYO): Mokokchung Photography Club (MPC) pur Logo tanu Urban Hub Cafe nung teti asoshi

sayaogo.

Iba logo ya Mokokchung Town Lanur Telongjem Tir Wb.Imnaonen Pongan-i sayatsü aser Asso.Pastor MTBA Wb.Monglier-i Mokokchung Photography Club asoshi

Tsüngrem nungi temoatsü aser takokba meshia sarasademja liasü.

Sentong tatsüka agiba mapang Tsüngrem temoatsü jazüka

Wt.sentikala-i sarasadem aser Onenjungshi PCD Treasurer-I mapang tatsüka agia tayongzükba o jembi aser Kr.Imkongsenla ketcangsüba nung iba sentong achaayanga agia liasü.

Dibrugarh nung online trading scam anema FIR pezü benok

Dibrugarh, Rongjui/Sept. 16 (Agencies): Assam nung online trading scam tasa yanglur tetsüti aser sen million aika tim masüba lenmang nungi agi ta tai tonglokja alisang Bishal Phukan anema Hombarnü Dibrugarh nung FIR balala pezü benokogo.

Iba timtem ajurur alirtemi pa anema pei sasa ken o benok aser Phukan-i tim masüba lenmang nungi sen million aika agi ta aitsü.

Phukan den ano tetsüngtai ia mapa inyaksangshir Abhijit Chandra aser Manbendra Singh nata iba mapa tamajung inyakba nung dena lir ta ken o benokogo. Mezungbo police temi Phukan indang online trading business anema suo-motu ken o züluok aser iba sülen apo apu.

Iba ken o dak sendakba nung police temi tang tashinung sen crore pongu jenjang ki o jen soita lir.

Sumi Bora, Tarkik Bora aser Amlan Bora nunger ya police ket nung Mongulbarnü tashi ayutsü aser iba sülen okadaki anir arutsü.

Iba dak sendakba nung tanü

tashi medical doctor kata police temi jaoka mesüra asüngdangya mali ta police osangtem ajanga ashir.

Sumi Borah, la kinungbo Tarkik Borah aser pa adianu Amlan Borah ya shirangba ajanga Hombarne Assam Medical College-i anir ao ta ashir. Parnok yangji aonung tashi temang anepaluba sülen ano police dangisa anir aru.

Par asem police ket nung lia

temang mejungi akum. Medical

check-up kanga junga agia

tetendangba balala tendanger police nem meypa agütsü.

Sen crore 2,200 shi jenjang

online stock trading scam nung

shilem agia lir ta tai tonglokja

police temi Brehostibarnü actor-

choreographer Sumi Borah aser

la indang photographer aser

kinungbo Tarkik Bora nunger

pia liasü.

Police indang Special Task

Forces temi parnok ya

Dibrugarh-i aoba mapang apu,

kong parnok sasa police

matsüngdang bendanga

agütsütsü sentong liasü.

Parnok ya police temi anogo 10 bushia liasü.

Modi-i aniba sorkar kümsük tasembuba nung anogo 100 abensaogo



September 16, 2024 nü Ahmedabad nung Ato kilonser, Narendra Modi-i Ahmedabad Metro Rail Project semzüksüba sülen metro nung lanur kar den jembidang tangokba noksa nung angur.

New Delhi, September 16 (Agencies): Ato kilonser Narendra Modi-i aniba NDA sorkar kümsük (term) tasembuba kubok sorkar tasenba anogo 100 abensaogo, iba mapang nung terenlok mapa, aluyimertem, middle class, tetsürtem aser minorities atema sen 15 lakh crore jenjang project tenzükogo, ta sorkari metedaktsü.

2024 Lok Sabha elections atema nüboyim metenzükangyongi Ato kilonser Modi-i NDA sorkar kümsük tasenba kubok mezüngbuba anogo 100 nung renema inyaktsü atema ketcangsertem nem mapa aika lemzükja liasü.

Centre sorkari anogo 100 tsüngda sen 3 lakh crore jenjang terenlok project aika agizük, talisa gari lenmang, railways, ports aser airways project aika tenzükja liasü.

Kasa mapang nungjisa Prime Minister Kisan Samman Nidhi scheme indang

installment 17buba lemzüksü aser iba kubok aluyimer crore 9.3 nem sen crore 20,000 lemzüogo.

Iba dak alia 2024-25 kümsük kubok Kharif crops atema Minimum Support Price (MSP) tutüsügo, aser ibaji ajanga aluyimer crore 12 tajangzük nguogo.

NDA sorkarisa küm ka nung income sen lakh 7 tashi angur middle class purtem dang saru magitsü sangdongba ajanga middle class purtemi saru agütsü aliba sen 17,500 ajangzükogo, ta sorkari sangdong ajanga metedaktsü.

Sorkar tasenba mezüngbuba anogo 100 nung sorkari 'Lakhpatti Didis' tasenpur lakh 11 nem certificate agütsügo aser tangbo linük nung 'Lakhpatti Didis' crore 1 dak temai küm shia sen lakh 1 dak tema aazüker, ta sorkari metedaktsü.

Iba dak alia MUDRA loan-a sen lakh 10 aliba nungi 10 lakh

20 kümetsüogo.

Prime Minister's Developed Tribal Village Campaign kubok tribal yimtsüng 63,000 nung terenlok mapa inyaktsütsü atema agizükogo aser ibaji ajanga tribals crore 5 tajangzük angutsü.

Centre sorkarisa lanurtem nem tashi agütsütsü aser skill development atema sen 2 lakh crore lemzüksügo. Taruba küm 5 tsüngda lanur million 41 tajangzük ngudaktsütsü atema sorkari nükjidong yur inyaker.

Health sector nung Ayushman Bharat Scheme nung arrshi küm 70 ser temapurtem ajak züngoktsü aser sen lakh 5 tashi angati insurance agütsütsü.

Iba dak alia medical seats tasen 75,000 bendenlokogo aser ibaji ajanga healthcare inyakim tajungba akumba den külemi sensotemi foreign medical education dak metalokba ajema akümtsü, ta sorkari metedaktsü.

NDA sorkari 'One Nation, One Election' mapa küma inyaktsü

New Delhi, Rongjui/ September 16 (Agencies):

Bharatiya Janata Party-i aniba National Democratic Alliance (NDA) sorkari iba kümsük nungsa 'One Nation, One Election' ya atangji mapa küma inyaktsü, ta Amongnū sorkar tongti ketcangser kati metedaktsü.

Taoba ita Independence Day anogomong sentong nung jembidang Ato kilonser, Narendra Modi-i linük nung khennyongi dang election ajak külemi agitsü metedakja liasü.

Amongnū sorkar tongti ketcangser kati, "Atangji iba kümsük (term) nungsa iba ya mapa küma benoktsü," ta metedaktsü.

Taoba Lok Sabha election atema nüboyimba mapang nung BJP-i 'One nation, one election' ya mapa küma benoktsü ta nangzuka liasü.

Taoba Tir, Ram Nath Kovind-i aniba 'One Nation, One Election' committee-i parnok indang report taküm March ita nung Tir, Droupadi Murmu nem agütsügo.

Committee jagi Lok Sabha election aser state assembly elections külemi dang agitsü, iba sülen anogo 100 tsüngda local bodies election agitsü

benoka lir.

Elections külemi dang agiba ajanga terenlok mapatem kera inyaktsü, loktiliba longjemtsü, democratic inyakim tashi itsitsü aser India indang mangdang ataloktsütsü, ta report nungji shia lir.

Committee-isa Election Commission of India danga electoral roll aser voter identification cards atema state electoral bodies den longjemer inyaktsü mepishiogo.

Committee-isa linük temzung nung ozüng aika yanglussü benokogo; item ozüng teimbaka state tem dang nungi temelaba agitsü menüngdaker.

One nation, one election committee nung züngsemtemji Union Home Minister Amit Shah, Union Law Minister Arjun Ram Meghwal aser DPAP lenir Gulam Nabi Azad nunger lir.

India nung elections ajak mapang ka nung dang agitsü nükjidong nung yaküm September ita nung Centre sorkari 'One Nation, One Election' asadangtsü atema Kovind leniba nung high level committee ya tenteta liasü.



September 16, 2024 nü Kulgam district nung Jamaat-e-Islami-i pusemba independent candidate, Sayan Reshi-i osangbenertem den jembidang tangokba noksa nung angur.

Tanü Delhi Chief Minister Arvind Kejriwal-i LG Saxena ajurutsü

New Delhi, Rongjui/ September 16 (Agencies):

Mongolbar nikongdang 4:30 ako meta Delhi chief minister, Arvind Kejriwal-i Delhi Lieutenant governor, VK Saxena ajurutsü, iba sülen pai Chief Minister menden toktsütsüa akok.

Amongnū AAP tongti lenir, Kejriwal-i pa CM menden nungi alutsü sangdonga, "Nürburtem ni tanaben shimra, ibaji ni ochishia aliba kuli certificate ka amai asütsü," ta metedakja liasü.

Delhi nung assembly election sangkum February ita nung agitsü, ajisüaka Kejriwal-i Maharashtra assembly election den külemi taküm November ita nung Delhi nunga assembly election agitsü benokogo.

Anogo ishika tejaklen Delhi

excise policy ken o dak sendakba nung Supreme Court-i Kejriwal nem bail agüja liasü.

AAP indang Political Affairs Committee (PAC)-i chief minister candidate shimsü aser Delhi Cabinet nung züngsemtem-a shimsü. Iba committee-isa taruba Haryana assembly elections atema-a asalentong ajak yanglutsü.

Kejriwal-i CM menden toktsüba sülen pa melen minister Atishi, Gopal Rai, Saurabh Bharadwaj, aser Kailash Gahlot nunger rongnung ka shimsüa akok. Iba dak alia CM menden atema reserved category nungi MLA aser Deputy Speaker, Rakhi Birla-a shimsüa akok.

Ano Kejriwal melen pa kinüngtsü, Sunita Kejriwal ang shimsüa akok, ta osang angazüker.



September 16, 2024 nü Pulwama district nung J&K National Conference lenir, Omar Abdullah-i J&K Assembly elections atema nüboyima jajadang tangokba noksa nung angur.



TIR YIMYIM

YIMOBILEM (EDITORIAL)

DIMAPUR SANGTENNÜ, SEPTEMBER (RONGJUI) 17, 2024

Auer mesoba putu !

Alima mapang ya teti kasa masü, putu shia pei pei mapang lir. Aji oda, putu mapang ka nokinketer aser yimsüsür toktepa tajung sotetba putu asütsü, ano putu ka süchir aser yimpokser soteta yimji yimzung nung alitsü, ano putu ka nungbo ayawara arutsü aser putu kabo yimten aser lokti nung mepetmesüng agi sünger alitsü ta nübor tangatetba aser jakla yari pei putu mapangji ajangshitsü. Asenoki aji hau ta agizükteta biledangra, tanü asen putu ya, tanga kecha putua memesük, yimten, lokti aser arogo nung auer mesoba putu lir. Aji, kidang ayim koya mesor amaia, item koyatem jagi chitsü tsübuba agi kidang konganga chiyongtsü mayu timtemba den kasa asenok timtem, shisabolu aser maksü mapang ka ajanga odagi. Aji oda, government inyakyim nunga, senotsü marur, maka aser mangur dang ashi, taru danga arunungbo tuluba nungi tilaba tashi pei pei akokbosa auyatsü renema dang lir. Teküpok jenjang nung alir telok ka mesüra timtemer telok ka mesüra shirangertem, tantsür tamburtem, tetsürtem, tetsür tanurtem, sensakertem, mapa mengui alirtem, yimtaklirtem aser town nung alirtem nüngdak ajak government tenük agi reprangteta teyari tapu balala agütsür. Atangji, item teyariji kibur (beneficiary) ket atonger, kechiyong akhi ama government senpongi yoker masü saka electronic tashi agi online ajanga dang kibur bank account-i indangidanga yoker. Ajisuaka, auer tetsüdi tsüngdang kong jenbutsu, senji online ajanga kibur bank account atong matongka senji agzükdaktsü auertem meyong shilem tobosa cash nung meshia bener aoer. Aji oda, tazüng nungi talak tashi online nung sen yokba inyakyim ajakji shitak asütsü, anungji government office file nungbo senotsü teyari angutsür pur ajak shitak nguogo. Tanü nübortem asoshi senotsü teyari agütsüba mapatem ajak online aser file nung dang shitak saka asangsang nungbo tangutsü purtem dang nungbo mangutsü purtemang teimba anguba putuji tanü asen putu lir. Aji oda, ochishir agi menüdeng akümber aser auer agi lokti, yimten aser arogo akhüm akümber putuji asen putu asütsü. Iba jagi lokti sabang nung auersangi tajungshi o aser tenla sabang nung Tsüngrem o jembiba tesempatsü aser tarokroktsü putuji asen putu lir. Joko, government nung ochimashiba mapa yabo tim mapa inyak amai kümogo aser lokti aser arogo nunga ochimashi mapatem ochimashi len agi kanga jinga 'adjust' sütetba putuji asen putu, iba putu nungi asenok mejenbur. Aji oda, arogo aser lokti tentet nung senotsü kettangsertem shimtsü atema kangasa tarendaktsü aser shisabolutsüa akümber mapang ya asen putu lir. Yashi tashibo asen lima nung tejak nung ponak tsüker prangpong amer nisungtem meyong senotsü rakzükba aser auyaba indang jembi saka tanübo auer kari pen amer auyar aser kari sarasademer auyar ta, atangji, ibai auer balaka mesoba putu ka lir. Aji oda, auersa asüyonga akhi mapang auertem o tanü putu auertem na tereprangtsü nunga kenyongi balala, akhi auertembo süoshi tejen tekuprak agir, nisung yirutsütsü atema prangpong aser nok tila taju bener tetsüng agi jaja, anungji tereprangtsü nunga tetsübutsuksa liasü saka tanü putu tasenba nung asenok auertem yabo süoshia tasen tesüsü agir neck tie mesür, coat nung pen tajung ka dang masü anasemka setoker gari tajung nung bodyguard dena anir senzür, ano karbo coat nung pen denji kangkia dena setoksemetsü. Item auertemji shibai aputsü ? Parnokiang ola adoker ochishir, tilar aser tashimaitertem pua tepuokdak yutsür. Item tsüngdangjibo sen 'safe box' nung ayutsüa menüngdaker. Iba putu nung asenok alir, anungji asenoka putu yimya den sütepa lidi asünungbo auer akümber. Auer mekümbra tebok masüngtsü, gari malitetsü, ki meyanglutetsü, tanur kaketreju tajungi meyoktetsü, tangar agiba süoshi magitettsü, hon zük mazüktertsü aser kecha nunga takok mangutsü ! Koda sütsü? Asenoka auer akümber asü mesüra taruba putu asoshi bilemja timtem arema indangindanga alitsü ?

OLEMSABANG

KECHIBA ILP & RIIN INYAKYIM YA TAKOK NGUA MEINYAKTETER ???

~ L. Kika Pongener.

Mapang shia asen Naga nunger mulongtet telok (NGOs), kaketshirtem (Studentsü Unions) aser lanur telongjem (Youth Organizations)-temi Inner Line Permit (ILP) jila ajak nung kanga tenük yoka takok ngua inyaktsüba, aser ano Register of Indigenous Inhabitants of Nagaland (RIIN) ya teküratiba nung mapa küma inyaktsüba atema ola adoker aser ajongshir. Ajisuaka, tanü tashi iba mapa anaprongla ya sorkar-ia kangabo temulong magutsür amai aser nuburtem aikati suoki yia mebilemba agi, tebang agi jembiba dak alaka shitakba (Reality) nung mapa küma meinyakteter. Kodaser iba mapa ya tetsükdaktsü aser tamakok angur (?) ta bushidangra, jilatem nung Council/GB-temi nisung junga mejangjai 'Permanent Residency Certificate' tapi-tapi agi agutsür, lisopur jalatemi 'Illegal Immigrants' Miya nunger amala den mashibangi kibalembur, takar-tulurtemi item nisungtem kinuker/Farm anuker ayur aser linük tenzükertem-ia item nisungtem ya tenyatengpong mapa nung amshir...Ibala mesukba mapatem yagi mapa küma inyaktsüba nung tetsükdaktsü ajurur. Ajioda, iba ya mapa küma meinyaktetra putu ka nungbo asenok lisopur item kintem küpok alar tia nung alitsü.

Ni aibelener ka mesura Inner Line Permit (ILP) ya Indian Constitution Article 371 (A) nung, asen Naga nunger atema balaka shiteta yutsüba temzüng-özüng agi melaba, aser 16th Point Agreement nung keta aliba inyakyim ka asütsü sudi ta bileyer. North-East India nung asen Nagaland den State kar dak alaka tanga State nembo aginuyongjia magutsüba temzüng-özüng ka, asen Naga nunger atema balaka shiteta yutsüba temeden ka asütsü. Anungji asen Naga nunger senso ajaki iba ILP ya kanga metsüngareta wazüka ayutsüla aser mapa küma inyaktsüla. Tesuiba mapang asen Ao lima Mokokchung Jila nungbo, Ao Kaketshir Mungdang (AKM) aser Ao Lanur Telongjem (ALT)-i temulung aguja inyakba agi takok ngua inyaktetogo, ibajagi asen Ao lima nungbo tanü tashibo iba tebilemtsü ya kanga tulukabo mali lia odar sudi. Ajisuaka, tanga District kar nungbo tanü tashi iba tebilemtsü khuret ya ano manenisa lir. Talisa, Dimapur Jila nungbo ano tanü tashi kangasa tamakok jenjang nung lir. Aji oda, kodaser Dimapur Jila nung iba tebilemtsü ya meshi-meshia agentsü makoker (?)...ta jungjunga bushidangra, tanga küli aika alitsü akok...Saka temalen shisemba ama kanga tongtipangba küli kaji...Asen Naga nunger aikati 'Bangladeshi Refugee'-tem lisem-yimsen küma aodak parnok anioka lidaktsür, alu ayimtsü, Nashi, Ak, An metsütsü labour/attendant ayur, kimong-lumong anuktsü ayur. Ajioda, yamala mapatem nung parnokji amshiba agi tanü tashi iba mapa ya tamakok nung lir.

Ano aji tang masü, asen Naga nunger kin karibozüngi memelaba tsüma-longmar denji kibalembua jala-jabaso sosema lir. Ajiser, parnok jala-jabasotemji asen Naga nunger tenung jatsür Naga nunger senso/lisopur temeden agutsür. Iba amaji mebilemdangi inyakba jagi Dimapur nungbo item nisungtemji lisopur menepa nutsüng yongsuk küma odagi.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züldü
bilemba ken-o ama tazüngeri angateta agitsü mepishir

China-i linük nung Khristan yimsü samatsütsü atema inyaker



China nung Yirusalem, ta ajaba Wenzhou yimti nung Tenla kitem nungi Kangki indoktsüdang tangokba noksa nung angur.

September 16, 2024: Tesüiba küm aika China nung ruling party, Chinese Communist Party (CCP)-i linük nung Khristan yimsü azüoktsü aser nokdangtsü meranga aruba sülen tangbo parnoki linük nung Khristan yimsü meshimeshia samatsütsü nükjidong nung inyaker, ta International Christian Concern (ICC)-i metedaktsü.

1982 küm CCP-i yimsü dak sendakba sangdong ka metedaktsü aser iba sangdong nungji yamai shia lir, ‘tatemabsa yimsü melen ‘socialism’ alitsü.’

CCP sangdong nungji yamai shia lir, “Socialist civilization tanem-tanemi terenlok akaba sülen iba tangatetba ajanga yimsü samatsü. Iba sülenji ang asenok putu tasen kati aitsü aser tang alima nung aliba yimsü ya samatsü.”

CCP züngsemtemisa, parnoki Tsüngrem dak mamangsüla aser Tsüngrem sülen anidaktsü memelar, ta metedaktsü.

“CCP züngsem kaji Marxist political party ka nung adenertem lir, anungji züngsem ajak Tsüngrem dak amanger masü saka

mamanger asütsüla,” ta sangdong nungji shia lir.

China nung sensotem nem yimsü temeden agüja lir, ajisüaka Arogotem nung China anema meinyaktsü mesüra mejembitsü atema ketdangsertemi mita repranger.

CCP-i socialist anema jembiba Khristantem apur aser ketdangsertem telatetba sülen manidakba Arogotem nokdanger.

China sorkari Khristantem anema inyakba dang masü saka linük nung Khristan yimsü meshimeshia samatsütsü nükjidong nung maneni inyaker.

Sorkar ketdangsertemi 2020 küm nungi tenzüka Tenla kitem aika nungi Kangki indoktsür, talisa linük wako dang nungi talangba nung yua aliba Kangkitem indoktsür.

Sayutsüngir, Franklin Graham-i X ajanga, “Kangkitem indoktsüba ajanga Kangki indang chichiba osang memelenshitetsü aser Yisu Khristai takümtem melenshitsüba aser tanela teti atema kümzükba Kangki agienba ajanga memelenshitetsü,” ta metedaktsü.

Khristan yimsü anema 2017 küm CCP züngsemtemi Yungan

County nung Khristan kibongtem mita oa liasü. Iba county nung nütsüng million 1 shi lir saka Khristan nütsüngbo shilem 10 dang lir. Yungan county nung CCP züngsemtemi

Khristan meyirjang aika dang pei kidang Kangki aser Yisu noksa agentsü aser China Tir, Xi Jinping noksa dang ayutsü tuyua liasü.

CCP ketdangsertemi sensotem dang, Yisu Khristai masü saka Tir, Xi-i dang nenok temang anema alitsü atema yaritettsü aser rongsen agi yaritettsü, ta ashi.

2014 küm nunga China nung Tenla ki 10 dak tema bendoktsü mesüra Kangki raksaja liasü.

China sorkarisa linük nung meimchir temeden pusemer lawyer tem anema inyaker. 2015 küm China

ketdangsertemi meimchir temeden atema inyaker attorney 300 shi pua reshikangshi aser tepuokdak puok aser karbo samaadok.

China nung Khristantem reshikangshiaka Khristantem pei tamang jenjang nungi matsüngshir. Pew Research data ajanga ashiba agi, tang China nung Khristan nütsüng million 20 nungi million 81 tashi alitsüa akok.

lir. Kar Sikh nunger, kar Muslim, kar Hindu aser kar Khristan lir,” ta pai ashi.

Pai lanurtem dang longjema alitsü ayongzüka, “Ni nenok dang puti otsü ka shiner- puti otsü nung tashi alia amshir yimsüsür ajaki inyakba mezüngbubaji ken o jembiba agienadoker. Yimsü balala tsüngda ken o jembibaji tangar akhümtsübuba nungi yangerteter. Ibaji kanga tongtibang,” ta ashi.

“Kü yimsüji nenok yimsü dang nungi tongtibangba, ni amangba yimsü ya shidakba aser nenoki amangba yimsüjibo tiyazü, ta nai jembiba ibaji ajanga asenok tsüngda kechi ataloktsü? Tsüngrem ka dang

lir aser ajaki Tsüngrem ajurutsü atema asenok ajak oshi balala lir. Kar Sheik, kar Muslim, kar Hindu aser kar Khristan aser ajakji Tsüngrem dangi aniba lenmang balala lir,” ta pai jembi.

Nütsüng million 6 den ishiba aliba Singapore nung nütsüng shilem 19 Khristantem lir.

Pope Francis-i jembiba o aija America nunger Bishop Joseph Strickland-i Khristantem dang, “Yisuji dang lenmang, ta jangjajangja shitettsü atema Pope Francis atema sarasademjang,” ta ayongzük.

Tamalen Pope Francis-i Bishop Joseph Strickland ya Tyler nung Bishop menden nungi agiena liasü.

ANOGO ABEN TSÜNGREM DEN

Taidok Angutsü, Taidok Agüjang

“Aser ozüi kechi koda pei tai doka lir, aji oda ozü tai tokangma” - Matt. 6:12.

Tagizükba dang nungi tagütsübaji sentiba lir. Asenok menen khuret bona arur, shiba dang asenoki mejungi inyak, pai asenok nem taidok agüja nüji kümdaktsü. Ibai koda tesüngmangtsü! Yisui nütsüngtem dang Tsüngrem dang sarasadembä shia taidok meshia sarasademtsü sayu. Asenoki anogo shia Tsüngrem dang anogo shia tai menar ta Yisui metetta liasü, kechiaser asenoki Tsüngrem sentsüwangshi metongtetter. Tsüngrem dang tatok memeshi asenoki anogo kata süidaktsütsü makok.

Asenoki tangar dang tai atokba ama asenok dang tai tokang ta Tsüngrem dang sarasademang, kechiaser asenoki tai atokba ama kasa lenmang nung Tsüngremi asenok dang adoktsü ta Yisui nütsüngtem dang sayu (Matt. 6:15). Tsüngrem yimyaji taidok agütsüba lir (Anitet 34:6-7). Asenok Pa nütsüng süra, Pa tsüngsü nung jajatsüla. Tsüngremi taochi makaba tsükchir dang atoktsü süra, asenok tajemba inyaktsü kecha mali. Tamajung karbo tai matoktsüla ta Laishiba nung tesayuba agüja mali.

Nai kar nem taidok agütsütsü sottadokra, ne teküdem aser sarasadem amajok (Matt. 5:23-24). Ne mulungjang nung memelungi iba nungi kümdanga alitsü Tsüngrem dang asüngdangang. Ne nüngdak tatok nendaka mita aliba ajanga tangar majungji tesangwa dangi arudaktsütsü. Na Khrista ama alitsü Tsüngrem dang asüngdangang; süra na rishikangshi danga nai sarasademtetttsü, “obala, parnok dang tai dokang.”

Reshikangshi tizüktettsü atema ICC-i pastor tem nem training agütsür

September 16, 2024: India tesayuba balala agütsür aser tesem ajaklen Khristantem timtem ajangshiba mapang anema inyakba kanga bulua nung teyari koma bushitsüar sayur.

tem aser Arago lenirtem 2024 küm tembang tashi reshikangshi tizüktettsü atema nungbo India tesem ajaklen International Christian pastor tem aser Concern (ICC)-i training sayutsüngirtem 3,500 shi nem agütsür, ta ICC-i metedaktsü.

India nung yaküm

Khristantem anema inyakba tatalokbatem den medemdaengra taküm teimba lir; iba ama tensa ka nung reshikangshi tizüktettsü aser timi inyaksangshitsü atema ICC-i pastor tem aser Arago lenirtem nem training agütsür, ta ICC-i metedaktsü.

ICC indang Persecution Response Training (PRT) ajanga shi nung anibelem ajema kümdaktsüba dang masü saka pastor temi reshikangshi tizüktettsü aser kanga yakyaka alitsü atema teyari agütsür. Pastor tem aser Arago nung lenirtem dang

indang kanga junga angazükba den külemi India nung Khrista osangtajung proksü atema telatetbatem angazükogo. Iba ama maongka agütsüba atema ni ICC dang kanga pelar,” ta metedaktsü.

Yimsü ajaki Tsüngrem dangi anir ta Pope Francis-i jembiba o aitsür

September 16, 2024: Tawa Singapore nung yimsü balala amanger lanurtem sentong ka nung Pope Francis-i, “tamangba yimsü ajakji Tsüngrem dangi aniba lenmang,” ta jembiba o America nunger Khristan putir kati aitsüogo.

Pope Francis-i Singapore nung Catholic, Sikh aser Muslim nunger lanurtem den jembidang, “Yimsü ajakji Tsüngrem ka indang jembiba oshi balala amai lir,” ta jembiba liasü.

Paisa, “Ajisüaka Tsüngremi ajak atema lir, asenok ajak Tsüngrem chirtem lir,” ta ashi.

“Tsüngrem ka dang lir aser yimsü ajakji Tsüngrem ajurutsü atema jembiba oshi balala amai

ama tesayuba agütsüba ajanga onok tangazükba kanga kaogo aser item tesayuba ajanga tenzükba wadang nung kanga yaritsü,” ta metedaktsü.

Pastor Pradip Singh-is, “Item training agiba ajanga onoki tangatetba tasen aika nguogo. Arago ajak nung item ama seminar ayongzüka katsütsü atema ni ajungshitsü. Iba dak alia linük temzung nung aliba yimsü temeden indang kanga junga angazükba den külemi India nung Khrista osangtajung proksü atema telatetbatem angazükogo. Iba ama maongka agütsüba atema ni ICC dang kanga pelar,” ta metedaktsü.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Tanendak


(adv) bendanglen anisüngzüka amongba tesem (place of stay)

* Onok nem mungdang mapang tanendak tajung agütsü.

Tanep

(n) tanü anogo tenzükba mapang (this morning)

* Tanep yakta onok tenla kidangi sarasademi ao.

OLONG PAITEP # 6926**TIPLÉN**

2. Aunung chiyongtsüasenba

1. Lenmang

- (7)

5. Mangyimba mapang

2. Aor kidong ka tenüng

- (6)

7. O tamendakdak

3. Tenarong maten

- (6)

8. Peidak malangba

4. A _ _ _ g

- (3)

10. Juli

6. Mopung apodoka

-

12. Sen ayudak

ola adokdaktsüba

-

14. Tenük agi ajitet

9. Tongtipang tagitsü

-

15. Tamajung aküm

10. Menungra bilem

-

16. Apuso

11. Alür

-

13. S _ _ k

-

14. T _ _ r

-

OLONG PAITEP # 6925 TELANGZÜBA**TIPLÉN :**1. Yiar, 3. Tesola, 7. Yimra,
8. Tangar, 9. Peria, 10. Tanur,
11. Tasen, 13. Lemjem,
15. Tambu, 16. Khuret,
17. Sang.**LANGTSÜNGLEN :**1. Yimti, 2. Amen, 4. Shiner,
5. Alaka, 6. Satan, 9. Putet,
10. Tembar, 11. Tatok,
12. Amang, 14. Jala.**NAI-A YA METETTER MA**

Chennai nung arishi küm 13 kaketshir kati Prime Minister Narendra Modi indang noksa ka yangluba atema alima otsü tasen ka yangluogo.

Presley Shekinah-i ghonda 12 maneni millets seret 800 amshia PM Modi indang noksa ka yanglu. September 17 nü Prime Minister Narendra Modi tasoba anogo nüngtem nung lai "World's Largest Millet Painting" yanglu.

Presley Shekinah ya Vellammal School, Chennai nung class 8 nung azünger aser lai millets seret 800 amshia 600 square feet noksa yanglu. Lai anepdang 8:30 ako nungi tenzüker aonung 8:30 ako tashi nung noksa yangluza liasü.

Manipur sorkari hectares 18,000 nung poppy lu raksatsüogo**Imphal, September 16, 2024**

(Agencies): Manipur nung tensa mejungi aruba mapang Rs 60,000 crore alang drugs puogo aser relief camps nung jenoka lir" ta CM Biren-i ashi.

State sorkari drug trafficking aser illegal poppy cultivation anema inyakba nung iba ya shilem ka liasü ta pai ashi.

Hombarnü CM Biren Singh-i All Manipur Working Journalists' Union (AMWJU) indang Golden Jubilee sentong nung aden.

Iba sentong ya Loktak Hall, Manipur Press Club, Imphal

nung ayongzüka among.

"Meimlai ajuruba tensa nung nisung aika taküm samaogo aser relief camps nung jenoka lir" ta CM Biren-i ashi.

"Manipur nung media house ajaki iba ama tensa nung osang jangjar ang prokshitsüla. Nisungtem osang tiyazü aser taila ajanga manisatsüla. Sorkari war on drugs campaign ya kin ka anema masü saka state aser linük kümzüka ayutsü atema inyaker" ta pai ashi.

Tang tashi nung Rs. 60,000 crores alang drugs puogo aser hectare 18,000 nung poppy alu raksatsüogo. Sorkari Manipur

nung reserved forests kümzüka ayutsü, ta Biren-isa ashi.

Manipur sorkari welfare schemes aika tenzükja media fraternity pusema nungita arur. Sorkari tebilemba tajung ajak pelashishia agizüker aser yimjung bener arutsü atema tangatetba lemsateptsü ayongzüker, ta paisa shisem.

Iba sentong nung IPR Minister Dr Sapam Ranjan Singh, AMWJU President Bijoy Kakchingtabam, Editors' Guild Manipur President Khogendra Khomdram aser tangar aika aden.

Tripura nung tesüiba sorkartemi atheism ajungket: CM Saha

Agartala, September 16, 2024 (Agencies): Tripura nung tesüiba sorkartemi atheism tangatetba bener aru ta Chief Minister Prof. Dr. Manik Saha-i aitsü.

Siddheswari Mandir lapoktsüba aser Barkathal nung Ved Vidyalaya atema lung azüngtsüba sentong nung jemidang "BJP sorkar kubok tamangba yimsü aser tanülaren jenjang tajungba kümdar" ta CM Saha-i ashi.

Iba sentong nung Uttar Pradesh Chief Minister Yogi Adityanath aser Swami Chittaranjan Maharaj na aden aser Dr. Saha-i tena dang pelaba metedaktsü.

"Tesüiba küm 35 tsüngda sorkartemi secular agenda ka prokshi aser tsüngrem mali ta asüba tangatetba agütsü. Ajisüaka Prime Minister Narendra Modi linük ajungalen tamangba yimsü akasodaktsüba atema tenüngsang agütsür. Tripura sorkari tanü iba lenmang nung jajar" ta pai ashi.

"Iba tekülem ki lapokba ajanga asen state nung tamangba yimsü shia aruba sayur. Prime Minister Modi lenisüba kubok asenoki public taküm nung tanülaren jenjang shia arudaktsüogo. Tripura Sundari Temple aser Kasba Kali Bari ama Siddheswari

Mandir ajanga tourists atsur arutsü" ta CM Saha-isa ashi.

"Tripura nung tesüiba mapang mepetmesü aser timtem jenti liasü saka BJP-i meranga inyakba aser Swami Chittaranjan Maharaj amala lennirtemi bendanga agütsüba ajanga tensa melenshiogo. BJP sorkari tensa süngjemdaktsüogo aser tejakleni anir aor. Swami Chittaranjan Maharaj-i education aser spiritual development atema inyakba atema tenüngsang agütsür. Ashrams 24 aser kaketshir 1,500 tema ajanga pai asenok tamang aser shisaliok nung temulung agütsü ajungmesor" ta Dr. Saha-i metedaktsü.

Jiribam nung prangpong-injang aika apu; Mobile internet lapokogo

Imphal, September 16, 2024 (Agencies): Manipur kubok Jiribam district nung sepaitemi prangpong-injang aser tapoktsü aika ngutetogo.

Sepaitemi Manipur police den kulemi Assam den arrtsüa aliba Jiribam district nung telungpur teseptem mita ao.

Kuki-Zo nunger teimba ser aliba Mongbung nung parnoki .32 Pistol, live ammunition rounds, Pompi Bombs, gunpowder, safety fuse aser walkie-talkie set ka ngutet.

Külen, Manipur Police-i arishi küm 16 tain Kuki nunger ka kümzük.

Tanubosang ya Khasia Punji nungi Mangboisang Singson lir aser pa Phaitol, Tamenglong

nungi par ki toktsür aoba sülen lenmang sama.

Maneni, Manipur sorkari September 16 nü law & order asadangba sülen mobile internet noktangba agienogo.

"State sorkari law & order asadanga reprangogo aser internet suspension agentsü lemte" ta sorkar sangdong ka nung ashi.



"State nung internet aser services noktangba agiensü. Nisung ajaki tebilemtsü khuret sera internet amshitsü ni ayongzüker. Nügdak maliba mesüra rongrong adoktsüa osangtem meprokshitsü mepishir" ta Manipur Chief Minister N Biren Singh-ia metedaktsü.

Papua New Guinea nung kin o kin tsüngda rаратеп; nisung 20 asü



Central Port Moresby, Papua New Guinea nung shishilembaba tesem ka noksa.

Port Moresby, Rongjui/

September 16 (Agencies):

Papua New Guinea nung tsükchir kintem tsüngda rаратеп adoka nisung 20 shi asüba sülen police nem tashiyim amshitsü atema temelaba agütsüogo.

Enga province kübok Porgera Valley nung azütokshi lendong atalokba sülen nisung 20 nungi 50 tsüngda taküm samaogo, ta United Nations-i Hombarnü asatetba sangdonga liasü. Iba tesem ya linük nung hon kanga bulua anguba tesem ka lir.

Rara nung kin balala nungi züngsemtem aika densema lir. Parnok ya local mine tem azüoktsü atema maneni rаратер, ta sorkari ashi. August ita iba tesem nung ozüng alema hon aturtemi ali kibur ka amakba sülen mepetmesü ya tenzüka liasü, ta police-i ashiba den yashia injang 300 shi khatokogo, ta shisem.

Papua New Guinea atema UN indang humanitarian adviser Mate Bagossy-i ashiba agi, kin o kin tsüngda rаратепba tali küma aoba sülen Deobarnü tashi nung asür nisung 20 bosa

jungogo, saka local ketdangsürtem aser nüburtemi osang agütsüba asadangra asür nisung 50 bosa ajungtsü imlar.

“Tanü security forces kar iba tesemi ogo, aser parnok aoba ajanga kechi temelensi bener arutsü aji ata alitsüba dang,” ta Bagossy-i Hombarnü ashi.

Police-i, kin o kin tsüngda mangatetep adokba sülen tebur 30 tepsetogo, tetsür aser tanur noklang aika jenshiogo aser ki aika ajarepa rongtoktsüogo, ta ashi. Azütokshi lendong nokdangtsü atema tashiyim amshitsü asoshi temelaba agütsüogo, ta to Police Commissioner David Manning-i ashi.

“Tongmelang agi, nai nüburtem adenshia aliba tesem nung hadir ajungketra mesüra tangar nisung ka amokmerenra nü dak injang khaloktsütsü,” ta Manning-i hopta tatemi ashiba den, “ozüng alema hon aturtem aser ozüng alema tangar ali nung amenoker alirtemi ali kiburtem aser iba tesem nung alirtem amokmerener,” ta shisem.

Police-i ashiba agi, Sakar kin nung ashi.

nungi ozüng alema hon aturtem Piande kin indang ali nung amenoktsü meranga arudar.

Iba tesem nung yi ayokba nokdanggogo aser aonung sangwa curfew benoka lir, ta Manning-i ashi. Paisa, item hon aturtem ya iba tesem nungi anintsü tenangzükba agütsüogo, koba May ita anentsüh alua nisung 2000 dak tema tepsetba tesem ka anasa amenoka lir.

Papua New Guinea nung kin o kin tsüngda mangatetep adokba ya tang tasen masü, saka automatic prangbong hadirtem amshi tenzükba sülen lendong ya tuluba küma aoer.

Tang mangatetep adoker aliba ya nisung tai keti high-powered weapons 100 dak tema aoba ajanga lir, ta police-i ashi.

Porgera nung hon atudak ajanga mapang ka nungbo Papua New Guinea küm shia export ajanga sen aazükba shilem 10 ayimjema liasü.

Ajisüaka kin o kin tsüngda mangatetep adokba aser sorkar inyakyim ajanga küm ishika tsüngda production meyilongi kümdaktsüogo.

ASO:
15/05/1952

ASÜ:
04/09/2024

Lt. Tsüktinungla Pongan (Longjang)

Kodanga amadoktsü makokba temeim ojala, la shiranga alidang aser asüba anogo tashi, shirnokisa sarasadem, nübo aser rongsen den tani tebelem jenti atema yaritepogo nenok ajak dang kanga pelar aser nenok mapa tajung kodanga mamatsü. Teyanglur Tsüngremi nenok kija taküm aser kibong moajang ta ozü sarasadem.

Temeim Kinungbo, Chirnur, Semchirtem, Anükapang aser Kinunger.

MENUNGRA BILEMTETER

Late Rev. Matongsosang (Chuchuyimlang)

Oba nai onok toktsü oer tanü (17th Sept 2024) küm ka abensar. Nai toktsür aoba nü kinungtsü, jala, jabaso aser semchirtemi tanü nü tasütait mapa aser temeim tali menungra bilemteter. Nü tepenjem mapang nung nokdakba mongjen. Kibuba lumong, onoki penzüdang na ali ama onok mulon sangwar

~ Kenü Kibubar kidang ajurutsü yongyar.



NANGZÜKER

Tanü 03/07/2023, ni Mr. TALIKOKBA Lkr, S/o Lt. IMDANGPONGBA of Dibuia Village, koba sen-sa Mrs. TEMJENSANGLA ajanga küm nem agütsüogo, item sen ajakji ni mapa agütsütsü ta sur/jembir agizükogo.

Anungji item sen ajakji ni agütsütsü aser küm khuret. Anungji, tanü nungi iba/item senji Mrs. TEMJENSANGLA khuret kecha mali ta ajak dang sangdoner.

Dated : 03/07/2023

*Talikokba Lkr
31/7/23*

Ano Trump tepsettsü merangba ken o ka bushisüngdanger

Florida, Rongjui/Sept. 16

(Agencies): Republican presidential candidate tanaben tepsettsü merangba mesük atalokogo ta ketdangsür temi ashiba sülen taoba United States tir Donald Trump-i pa kumzüka aser junga lir, ta ashi.

Deobarnü Florida nung pa indang golf resort nung prangbong bena alir ka dak injang khaloktsü ta Secret Service temi ashiba sülen Trump tepsettsü merangba mesük ken o ka bushisüngdanger sütar ta FBI-i ashi.

“TSÜBOA TELI! Ni kumzüka aser junga lir, aser shinga meyiru. Tsüngrem dang pelar!” ta Trump-i pa indang fundraising website nung sangdong ka ajanga ashi.

“Saka iba lima nung asenok soittsu asoshi kechiserna inyaktsü nisung lir. Nenok asoshi raraba ni manentsü. Ni kodanga surrender masütsü.”

“Ni yariba atema ni nenok teti meimtsü. Asenok TELONGJEM ajanga asenoki America ano tamaren kumdaktsütsü,” ta sangdong

nung ashi.

Trump ya tir asoshi nübuyimba nungi anisüngzükba anogo par Mar-a-Lago kidang nungi kangabo mepilai par West Palm Beach course nung golf asaya liasü.

FBI, Secret Service aser yangji aliba ketdangsürtem lia osangbener senden ka nung ketdangsür temi ashiba agi, golf course nung Secret Service agent ka Trump dang hole ka agi tejakdang lia nisung ka iba resort arutsü anasa prangbong bener aliba angu aser pa tsütsü injang khaloktsü.

Temulung meleme ali sangya gari agent dak meyiper khaloktsü asü masüar mejangja, ta ketdangsür temi ashiba agi, Routh ya Hawaii nung self-employed affordable housing builder ka liasü aser mapang shia politics aser tang atalokba indang online nung post süa liasü aser mapang kaka pai Trump aitsü.

Iba nisungba ya Trump nungi metres 365 nungi 457 tsüngta pilar liasü aser pa sasa pa video tangoker mesük liasü, ta Palm Beach County Sheriff Ric Bradshaw-i ashi.

Temulung meleme ali sangya gari tanak ka nung mener arem alileni jena ao saka kanga kera pushiteta ozüng amshirtemi apu, ta ketdangsür temi ashira.

Iba tesem nungi backpack

ka, high-definition camera, firearm scope aser “AK-47-style rifle” ka ngutet, ta ashi.

“Yaser Trump golf course-i arudang iba tesemmeketa nisung timba alitsü nüngdaker ta ajiteter,” ta Bradshaw-i osangbener dang ashi.

“Saka Secret Service temi par mapa shidak inyakogo aser parnoki mapa tajung inyakogo.”

Temulung meleme ali sangya gari tanak ka nung mener arem alileni jena ao saka kanga kera pushiteta ozüng amshirtemi apu, ta ketdangsür temi ashira.

CNN aser CBS ajanga ashiba agi, Routh ya Hawaii nung self-employed affordable housing builder ka liasü aser mapang shia politics aser tang atalokba indang online nung post süa liasü aser mapang kaka pai Trump aitsü.

Iba lendong atalokba sülen temulung meleme ali sangya gari tanak ka nung mener arem alileni jena ao saka kanga kera pushiteta ozüng amshirtemi apu, ta ketdangsür temi ashira.

Taküm pai X nung post ka aser shidak inyakogo aser parnoki mapa tajung inyakogo.”

“@POTUS nü indang nübuyim dang KADAF ta ajatsüla. Keep America democratic and free. Trump ya

MASA... make Americans slaves again master. DEMOCRACY ya ballot nung lir aser asenoki mesamadaktsütsüla,” ta pai post süa liasü.

Routh ya Russia den raratsü atema 2022 küm Ukraine-i ao ta ashira, saka pa arishi küm nung tain aser military experience maliba mechii magizük.

Iba osang angashia Kremlin-i sangdong ka nung, temulung meleme ali sangya gari tanak ka nung mener arem alileni jena ao saka kanga kera pushiteta ozüng amshirtemi apu, ta ketdangsür temi ashira.

Kyiv nunga Ukraine Tir Volodymyr Zelenskyy-i, “Nisung tepsettsü merangba

nung temulung meleme ali sangya gari apuba ya tajung.

Ibai asen tangatetba aser tamendak dak: Rule of law ya kanga tongtipang, aser alima nung political violence atema tesem kecha mali,” ta ashi.

US Tir Joe Biden aser tatong tir aser Democratic telok nungi tir asoshi toktepla Kamala Harris nem iba osang agütsüogo aser bushisüngdanger indang maneni osang agütsütsü, ta White House-i ashi.

Trump kumzüka lir ta meteta Biden aser Harris temulung anisüngzükogo, ta White House-i ashi.

“America nung azüdokshi asoshi tesem kecha mali,” ta Harris-i X nung post asü.

Ita ana tejakdang July 13 nü Butler, Pennsylvania nung Trump dak injang khalokja pa tenarong nung yirua iba rally nung adener ka khasetba sülen Deobarnü iba ya atalok.

Pa dak injang khaloktsüsang ya arishi küm 20 tain Thomas Crooks ta jangjaogo aser Secret Service sniper kati khaset.

Mulungnen O



MENUNGRA BILEMTETER
Late Rev. Matongsosang (Chuchuyimlang)

Oba nai onok toktsü oer tanü (17th Sept 2024) küm ka abensar. Nai toktsür aoba nü kinungtsü, jala, jabaso aser semchirtemi tanü nü tasütait mapa aser temeim tali menungra bilemteter. Nü tepenjem mapang nung nokdakba mongjen. Kibuba lumong, onoki penzüdang na ali ama onok mulon sangwar

~ Kenü Kibubar kidang ajurutsü yongyar.

Mokokchung District football team Tuensang-iogo



Dimapur, Rongjui/September 16 (TYO): 23buba Inter-District Football Championship, Dr. T. Ao Trophy, 2024 nung shilem agitsü atema Mokokchung District nungi football asayar 20, team manager ka, coach ka aser physiotherapist ka ta Hombarnü Tuensang jila-i ogo.

Team ya Mokokchung Deputy Commissioner, Thsuvisie Phoji aser District Sports Officer, Anguvito Sumi den MDFA ketcangsürtemi Imkongmeren Sports Complex nungi minokja liasü. Parnok minoktsüba sentong ya anepdang 8:30 ako nung agia liasü.

Kasa mapang nung MDFA-i, team Dr. T. Ao Trophy nung oa shilem agitetsüsa teyari agütsüba sponsor tem, team pusemertem aser ketdangsürtem dang kanga pelaba lemsatepa liasü. Maneni MDFA-isa, Mkg team-i iba asayamung nung kanga junga shilem agitetsü imlaba lemsatepa liasü.

PLAYERS LIST		
SL.NO	NAME	POSITION
1	YIMKUMER	GOAL KEEPER
2	MEDEMMAR	-DO
3	ALEMONG	DEFENDER
4	MOLUSUPONG	-DO
5	LIPOKSANEN	-DO
6	IMNASUNEP	-DO
7	IMNAAKUM	-DO
8	LENSAR	-DO
9	MOASUNEP	-DO
10	LIMAKUMZUK	MIDFIELDER
11	SENTIMONG	-DO
12	TONGPANGNOKDANG	-DO
13	BENDANGSUNEP	-DO
14	IMLIAKUM	-DO
15	LANUTEMSU	-DO
16	SENTILONG	FORWARD
17	SUPONGLEMBIA	-DO
18	TAJUNGSAW	-DO
19	LULENYUBA	-DO
20	TAREPNUNGSAW	-DO

TEAM SUPPORT STAFF		
Sl.No.	Name	Designation
1	Yimya Jamir	Team Manager
2	Rongsennungba	Team Coach
3	Yongya	Team Physio

Barca nungi asayar Dani Olmo yirur hopta 5 shi masayatettsü



Rongjui/September 16, 2024 (Agencies): La Liga nung tang temaba jenjang nung aliba FC Barcelona nungi tongtibang midfielder ka yiruba sulen parnok UEFA Champions League nung mezüngbuba asaya asayatsü lia tetsükdaktsü adokogo.

Spain nunger asayar Dani Olmo Deobarnü Girona goal 4-1 agi akokba asaya nung yiruba sulen pa ita ka shi masayatettsüa kümogo.

Iba asaya nung Olmo-ia goal ka idaktsü, saka asaya tanabuba shilem nung minute 60 shi asayar aliba mapang yiruba sulen pa tuguatok.

"Dani Olmo Hombar

anepdang tetendangba balala agiba sülen pa hamstring tachichilen yirur aliba jangjaogo," ta Barcelona-i sangdong ka ajanga metedaktsü.

"Pa taruba hopta pezü mesüra pongu shi masayatettsü," ta club-isa metedaktsü.

Yiruba sülen Olmo Barcelona pur Champions League nung mezüngbuba asaya Monaco den asayatsü aliba nung masayatettsü aser Young Boys dena masayatettsü. Iba den pa La Liga nung asaya aika nung masayatettsü aser Nations League nung Spain pur October ita Denmark aser

Serbia na den asayatsü aliba asaya nunga shilem magitetsü.

Arishi küm 26 tain asayar ya club pur October 23 nü Bayern Munich den asayatsü aliba asaya nungi tenzüka asayatsü imlar aser iba den October 27 nü Real Madrid den El Clasico asayatsü aliba nunga asayatettsü imlar.

Olmo RB Leipzig nung aruba sülen Barca-i pa register mesüteti mapang tatsüka arua liasü, saka pa asaya tenzükba sülen kanga junga asaya arudar aser pai asaya asem nung goal asem idaktsür lir.

Olmo ya lanuwa La Masia academy nung asaya liasü aser tang ano iba club-isa meiyipa aruogo.

Hansi Flick-i aniba team-season kanga junga tenzüka parnoki tang tashi nung asaya ponguprongla koker lir. Iba asaya pongu nung parnoki goal 17 idaktsü aser goal 4 dang chia liasü.

Barcelona pur September 20 nü France indang club Monaco den asayatsü aser iba sülen La Liga nung Villareal den asayatsü.

NCA-i ayongzüka 2buba NECDC Senior Men's Interstate Friendship Tournament asayatsü

Dimapur, Rongjui/September 16 (TYO): Nagaland Cricket Association (NCA)-i ayongzüka 2buba North East Cricket Development Council (NECDC) Senior Men's Interstate Friendship Tournament asayatsü.

Iba asayamung mezüngbuba Nagaland team-i koka liasü aser iba asayamung ya NECDC State Members temi longjemer ayongzüka, September 23 nungi 28 tashi asayatsü renema lir.

Iba asayamung nung Nagaland, Manipur, Mizoram, Arunachal Pradesh, Meghalaya, Sikkim Cric Fest: September 26th - 28th, 2024, 2:00 PM - 7:00 PM.

Iba den bendenloksema 1buba NECDC Interstate T-20 Friendship Tournament (tetsür) Nongpoh, Meghalaya nung Meghalaya Cricket Association-i ayongzüka asayatsü.

NCA-i, cricket asaya meimertem aser nüburtem dang asayamung nung arua shilem agitsü aser benjeng longsoa amungtsü ayongzükogo. Iba asayamung ya regional cricketing calendar nung kanga tongtibang sentong ka asütsü.

Asayamung den külemi NCA-i, September 26 nungi 28 tashi nikongtsütsü 2:00 ako nungi 7:00 ako tashi "Cric Fest 2024" ayongzütsü. Iba benjeng nung Kid's Fun Zone, jangrademtsü aketba inyakyim balala, chiyongtsü ayokdak, metedaktsü.

Sonay aser Frech nati tang mezüngbuba WTA title kaka benogo

Rongjui/September 16, 2024 (Agencies): British qualifier Sonay Kartal-i Monastir, Tunisia nung Jasmin Open final nung Slovakia tsür Rebecca Sramkova 6-3, 7-5 agi koka tang mezüngbuba WTA Tour title ka benogo.

Kartal, shiba tang jenjang 151buba nung lir aser Sramkova shiba tang jenjang 136buba nung lir tenaprongla tang mezüngbuba WTA kija asaya final ka nung asaya liasü.

Asayar anaprongla indang break-point atema conversion rate kasashi dang liasü. Kartal-i 14 nungi 7 akok aser Sramkova-i 10 nungi 5 koka liasü. Ajisüaka Sramkova-i unforced errors 39 mena aser kasa mapang nung Kartal-i 18 dang mena liasü. Final asaya ya ghonda ana majung dang asaya liasü.

Arishi küm 22 tain Kartal-i tang tashi nung tour level asaya aruba mapang quarterfinals adena asayadanga mali aser Mezungbuba set tiebreaker nung Frech 4-5 agi tesülen liasü saka iba sülen lai point asem atonga angu. Gadecki, shiba tang mezüngbuba final ka nung shilem agia liasü, lai aces ana ao aser double faults pezü mena liasü.

BILEMDANGANG

"Ajak peria liaka anema melira ajak amajok."